



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ  
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք Երեւան, Ազափն շրջան, ՀԱԼԱԲՅԱՆ Փ., շենք 41Ա, 10-րդ ՀԱՐԿ)



ՈՐՈՇՈՒՄ

Հայցադիմումը վարույթ ընդունելու, պատասխանողից ապացույցներ  
պահանջելու

և դատական ակտի հրապարակման օր նշանակելու մասին

ԵԴ2/6559/02/24  
11 Նոյեմբերի 2024թ

ք. Երևան

Երևան քաղաքի առաջին ատյանի ընդհանուր իրավասության քաղաքացիական  
դատարանի դատավոր Ն.Ավետիսյանն ծանոթանալով «Ազաստ» ՍՊ ընկերության  
ներկայացուցչի կողմից ներկայացված հայցադիմումին և կից փաստաթղթերին.

Պ Ա Ր Չ Ե Ց Ի

«Ազաստ» ՍՊ ընկերության ներկայացուցչի կողմից հայցադիմում է ներկայացվել  
դատարան ընդդեմ Իջևանի բժշկական կենտրոն ՓԲ ընկերության՝ «Իջևանի բժշկական  
կենտրոն» ՓԲԸ-ի տնօրենի կողմից կայացված՝ «Ազաստ» ՍՊ ընկերությանը գումարների  
գործընթացին մասնակցելու իրավունք չունեցող մասնակիցների ցուցակում ներառելու  
մասին կայացված թիվ 353 որոշումն անվավեր ճանաչելու պահանջի մասին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Նույն հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

ՀՀ քաղաքացիական դատավարության օրենսգրքի 234.6-րդ հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումը ստանալուց հետո՝ հնգօրյա ժամկետում:

Նույն մասի երկրորդ պարբերության համաձայն՝ նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Ուսումնասիրելով ներկայացված հայցադիմումը, կից փաստաթղթերը, գտնում եմ, որ այն պետք է ընդունել վարույթ, քանի որ առկա չեն հայցադիմումի ընդունումը մերժելու կամ այն վերադարձնելու հիմքերը:

Միաժամանակ, Իջևանի բժշկական կենտրոն ՓԲ ընկերությունից պետք է պահանջել «Ագաստ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին «Իջևանի բժշկական կենտրոն» ՓԲԸ-ի տնօրենի թիվ 353 որոշումն հետ կապված իր տիրապետման տակ գտնվող բոլոր ապացույցները:

Դեկավարվելով ՀՀ քաղաքացիական դատավարության օրենսգրքի 199-րդ հոդվածով,  
Դատարանը

Ո Ր Ո Շ Ե Ց

1.«Ագաստ» ՍՊ ընկերության կողմից ներկայացված հայցադիմումն ընդդեմ Իջևանի բժշկական կենտրոն ՓԲ ընկերության՝ «Իջևանի բժշկական կենտրոն» ՓԲԸ-ի տնօրենի կողմից կայացված՝ «Ագաստ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին կայացված թիվ 353 որոշումն անվավեր ճանաչելու պահանջի մասին, ընդունել վարույթ:

2.Իջևանի բժշկական կենտրոն ՓԲ ընկերությունից պահանջել դատարան ներկայացնել «Ագաստ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին «Իջևանի բժշկական կենտրոն» ՓԲԸ-ի տնօրենի թիվ 353 որոշումն հետ կապված իր տիրապետման տակ գտնվող բոլոր ապացույցները:

3.Ապացույցներ պահանջելու վերաբերյալ որոշումը պատասխանող Իջևանի

բժշկական կենտրոն ՓԲ ընկերության կողմից պետք է կատարվի սույն որոշումը  
ստանալուց հետո՝ հնգօրյա ժամկետում:

4. Եզրափակիչ դատական ակտը հրապարակել 2024թվականի դեկտեմբերի 10-ին:

5. Որոշումն ուժի մեջ է մտնում կայացման պահից:

## Դատավոր՝ Նաիրա Ավետիսյան

---

Տվյալ ֆայլերին կարող եք ծանոթանալ նաև մուտք գործելով ["Էլեկտրոնային դատավարություն"](#) համակարգ՝  
[cabinet.armlex.am](#)